

Gvangjsih Minzcuz Bau

Cawjguenj: Gvangsijh Bouxcuengh Swcigih Minzcuz Cunghgyau Swvu Veijyenzvei Cawjbanh: Gvangsijh Minzcuz Bause Geiz neix 8 banj
广西民族报 Aenhauh okbanj: CN45-0036 B.2024 Nd.10 Ng.16 Liggaeuq gyapsaenz nienz ndwengouj cibseiq Geizsoq: Gungh daih 3641 geiz

Siz Ginbingz Hoizsaenq Yienqmienx “Yinzlingz Hengzdoengh” Boux Daibyauij Bouxgagnyienh Bouxlaux

Sinhvazse Baekging 10 nyied 10 hauh dien Youq mwh ciet gouj nyied cogouj ngoenzciet conzdungj Cunghvaz Minzcuz daeu j daengz gaxgonq, Cunghgung Cunghyangh cungjsuhgi, Guekgya cajsiz, Cunghyangh Ginhviej cajsiz Siz Ginbingz hoizsaenq hawj “yinzlingz hengzdoengh” boux daibyauij bouxgagnyienh bouxlaux, caenciet yienqmienx gyoengqde, caensim camnai bouxlaux daengx guek.

Siz Ginbingz naeuz, lai bi doxdaeuj, caezgya gaenxmaenx camgya gagnyienh fugsah hozdung, yungh

gij hag ndaej gij bonjsaeh ak fugsah gihcwngz, fugsah vunz lai, cienzndenq naengzliengh cingq hawj ndawbiengz, langhbauij gij yienghsiengq cingsaenz bouxlaux Cungguk seizdaih moq.

Siz Ginbingz daegbied gangj daengz, bouxlaux dwg gij caizfouq dijbauj dangj caeuq guekgya. Maqmuengh gyoengq bouxlaux bauj miz aen sim caeuq gij cingsaenz baenaj geq le lij miz rengz, gawq aeu geq miz baengh ciengx, geq miz gaiq angq, youh aeu geq lij guh ndaej, vih doi-caenh gij yendaiva yiengh Cungguk ok “goengzrengz byoemhau”. Gak gaep

dangjveij caeuq cwngfuj aeu yawjnaek hong bouxlaux, comzyawj gij vwndiz gaenj nanz nyap muengh bouxlaux, laebcaez cwngcwz banhfap, cau h seiqhenz aen biengz ndei, dawz ndwengouj bouxlaux baujcaeng ndei, cozyung fatok ndei, gienzik henhoh ndei.

“Yinzlingz hengzdoengh” dwg aen hozdung bouxlaux gagnyienh fugsah youz Daengx Guek Laujlingzveij youq 2003 nienz hainduj guh, cujyau dwg cujiz gak gizdieg boux lauxhangz geq, boux gyausou geq haeujcoengh dieg mbouj fatdad. Daengz seizneix, daengx guek boux-

gagnyienh bouxlaux camgya “yinzlingz hengzdoengh” gungh miz 700 lai fanh vunzbaez, guh bangcoengh hanghmoeg 4000 lai aen, “yinzlingz hengzdoengh” gaenq baenz aen bingzdaiz youqgaenj hawj bouxlaux geq lij ok goengrengz ndaej ndawde aen ndeu. Mboengqneix, “yinzlingz hengzdoengh” boux daibyauij bouxgagnyienh bouxlaux raiz saenq hawj Siz Ginbingz cungjsuhgi, lwnh gij cingzgvang camgya gagnyienh fugsah, gangjok aen gietsim fatok cienciengz, hoizbauq ndawbiengz, vih doicaenh gij yendaiva yiengh Cungguk ok goengrengz.

Vuzcouh: Aeu Rumz Fatdienh Coi Hwngfat

10 nyied 13 hauh, gwnz bya Vuzcouh Si Dwngzyen Daliz Cin, baenz baiz baenz baiz fungci cingq youq dingjbya baenqlulu, caeuq mbwnlamz fwjhauij doxgap baenz gij gingjsaek gyaunde. Geij bi neix doxdaeuj, Vuzcouh Si youq caet aen yienh(gih), yungh gij swhyenz byasang rumz hung, ndit lai haenqrengz hwngfat gij canjnieb nwnqzyenz moq, hwnqguh baenz benq dieg aeu rumz fatdienh caeuq dieg yungh ndit fatdienh, hawj gij canjnieb nwnqzyenz moq doidoengh Vuzcouh Si canjnieb gezgou cienjhingz swnggaep. Ndaw doz dwg fungci youq dingjbya fatdienh.

(Cauh Hojvwnz Nez Yozcwng)



Gvangjsih Saedyienh Gauhsuz Goengloh Fuzvugih Aen' aen Miz Donghcungdienh

Ngoenzgyaj gozging, vunz lai gag haici okrog baeyouz hoenghwd, Gvangjsih gauhsuz goengloh ci haeujok daengz 2837.65 fanh aenbaez. Gicej geij ngoenz gonq cam rox, Gvangjsih gauhsuz goengloh bouhmonz vih baujmaenh ngoenzgyaj hung cungdienh miz baujcaeng, daengx gih gauhsuz goengloh gaenq hwnqbaenz fuzvugih dieg cungdienh 406 aen (mbiengj dog), donghcungdienh 4392

aen, saedyienh gauhsuz goengloh fuzvugih donghcungdienh 100% miz liux, yawhsuenq bineix yaek gyalai mbouj noix gvaq 800 aen donghcungdienh; daengx gih gauhsuz goengloh hwnqbaenz doiqrog haicuengq camhsoucienz dieg cungdienh 8 aen, donghcungdienh 42 aen, ndaej hoizsoeng gij atlig cungdienh ndaw fuzvugih.

Geij bi neix doxdaeuj, miz yied

daeuj yied lai vunz yungh hei qci nwnqzyenz moq, boux hai ci nwnqzyenz moq aeyungh cungdienh vuenhdienh hix ngoenz lai gvaq ngoenz. Vih caenh' itbouh hawj boux hai ci nwnqzyenz moq noix you, Gvangjsih gauhsuz goengloh bouhmonz gyavaiq cau hlaeb aen muengx vaiqcung gauhsuz goengloh baijbouh hab-leix, goengnaengz caezcienz, cinwngz gauhyau.

Youq gwnz giekdaej daengx gih gauhsuz goengloh fuzvugih donghcungdienh 100% miz liux, Gvangjsih gauhsuz goengloh bouhmonz caenh' itbouh gyalai guhndei baijbouh dieg cungdienh, gujli aen camhsoucienz miz diuzgen de yungh dieg hoengq hwnqguh gaiq cungdienh. Laebdaeb gyagiengz cungdienh sezsih gaijcauh swnggaep, gujli yungh gij dinfwngz vaiqcung. (Vangz Yenjaiz Cau Yajli)